

景定建康志卷之二十



城闕志一

承直郎宜差充江南東路安撫使司幹辦公事周應合修纂

建邦啟土既勤垣墉設險守國深溝高壘惟典神天
祇肅廟社相協厥居若作室家宣其鬱紆臺池其樂
皆宜有志金陵城郭肇於越楚廣於六朝至我

宋而大且久往古來今不相公襲有一居而數更所
者矣有一所而數更名者矣新名立而舊者沒後迹
遷而前者譌志有弗詳曷信而證如昆明鑿而鎬都
為池隋城立而漢京為苑固不可以古而為今唐已
為晉而詩存唐邨已為衛而詩存邨亦奚可以今而
忘古哉乃參古今作城闕志

古城郭

固城 春秋時吳所築也在今溧陽縣之西溧水縣
界周迴七里餘其故址尚存亦名平陵城



案勝公廟 記云固城吳時瀨渚縣也楚靈

王與吳戰吳軍不利遂陷此城吳乃移瀨渚於
溧陽南十里改為陵平縣平王立使蘇廼為將

戰於吳吳軍敗收吳陵平縣改爲平陵縣自平
王聽費無極佞言伍員奔吳闔閭用爲將舉軍
破楚固城宮殿逾月煙焰不滅其城遂廢○笠
澤叢書云溧陽昔爲平陵縣縣南有故平陵城
卽吳固城所改也○李賀記爲兒時在溧陽聞
白頭書佐言孟東野貞元中爲溧陽尉溧陽昔
爲平陵縣縣南五里有投金瀨瀨南八里有故
平陵城周千餘步基址才高三四尺而草木甚
盛率多大櫟叢篠蒙翳如鴻如洞其地窪下積

水沮洳深處可活魚鼈幽邃可喜東野得之忘
歸○紹興中得後漢校官碑於溧陽固城之旁
知其爲漢縣治按此城最古在越城楚邑之先
不書於表以其在縣境耳志城郭之首以存古
城一名范蠡城案宮苑記周元王四年越相范
蠡所築在今瓦棺寺東南國門橋西北圖經云城周
迴二里八十步在秣陵縣長干里今江寧縣尉廨後
遺址猶存俗呼爲越臺舊志

考證

金陵故事云周元王四年范蠡佐越滅吳

欲圖伯中國立城於金陵以彊威勢。○郡國志云在縣南六里東。甌越王所立。吳王濞敗保此城後走丹徒。○晉王敦王含以水陸五萬逼淮。温嶠燒朱雀航以挫其鋒。遂潛師渡水大破含軍於越城。○南史盧循犯建康。劉裕恐其侵軼。用虞丘進計伐木柵石頭城。修治越城。○齊崔慧景寇建業。蕭懿入援。自采石濟岸頓越城。○梁武義師次新林。遣王茂據越。卽此地。○嘉祐實錄注云。越王築城江上。鎮今淮水南一里半。

廢越城是也。案越絕書。其城越范蠡所築。城東南角近故城。望國門橋西北。卽吳牙門將軍陸機宅故。機入晉作懷舊賦。西望東城之紆餘。卽此城。在三井崗東南一里。今瓦棺寺閣在崗東偏也。○事迹云。今南門外有越臺。與天禧寺相對。見作軍寨處是也。近時詩人指越臺爲越女取越土築臺者非也。

楚金陵邑城

威王滅越。私吳越之富。擅江海之利。置金陵邑於石頭及懷王爲秦所滅。至漢高帝時封韓

信於楚鄣郡屬焉六年廢

舊志

考證周顯王三十六年越為楚所滅乃因山立號置金陵邑今石頭城是也楚威王後一百一十餘年當秦始皇二十四年秦滅楚兼諸侯分天下作三十六郡以金陵為鄣郡楚亡後一十三年當始皇三十七年乃改金陵邑為秣陵縣詳見郡縣及地名釋

吳石頭城已載山阜門石城下

丹楊郡城案宮苑記在長樂橋東一里南臨大路城

二百十六

建康志卷二十

四

周一頃開東南北門漢元封二年置丹楊郡至晉太康中始築城宋齊梁陳因之不改

舊志

考證漢志置丹楊郡先治宛陵建安十三年孫權分為新都郡二十六年權始置丹楊郡自宛陵治建業永安中分置故鄣郡丹楊所領惟溧陽以北六縣晉太康元年改建業復為秣陵置江寧縣唐初廢為州天寶元年復置至德二載析置江寧郡○元和郡國志丹陽郡故城在今江寧縣東南○蔡宗旦金陵賦注云古圖長樂

橋東一里今桐林灣軍寨處

古都城

案宮苑記吳大帝所築周迴二十里一十九步在淮水北五里黃龍元年自武昌徙都晉元帝初過江不改其舊宋齊梁陳皆都之宋世宮門外六門城設竹籬至齊高帝建元元元有發白武樽言白門三重門竹籬穿不全上感其言改立都牆本紀建元二年立六門都牆是也其後增立爲十二門云

舊志

考證

按宮室記吳大帝遷都建鄴有曰太初宮者卽長沙王故府徙武昌宮室材瓦所繕也有

曰臺城蓋宮省之所寓也有曰東府蓋宰相之所居也有曰西州蓋諸王之所宅也有曰倉城蓋儲蓄之所在也皆不出都城之內輿地志曰晉琅邪王渡江鎮建鄴因吳舊都修而居之宋齊而下宮室有因有革而都城不改○東南利便書曰孫權雖居石頭以扼江險然其都邑則在建鄴歷代所謂都城也東晉及齊梁因之雖時有改築而其經畫皆吳之舊○隋旣平陳此城皆毀今之都城非舊也

臺城

一曰**苑城**

本吳後苑城晉成帝咸和中新宮成

名建康宮卽今所謂臺城也在上元縣東北五里周八里濠闊五丈深七尺今胭脂井南至高陽樓基二里卽古臺城之地盡爲軍營及居民蔬圃

舊志

苑城

實錄注苑城卽建康宮城吳之後苑地一

名建平園又云臺城南正中大司馬門南對宣陽門相去二里宣陽卽苑城則臺城在苑城內明矣○宮苑記云古臺城卽建康宮城本吳後苑城晉咸和中修繕爲宮○輿地志云都城南

正中宣陽門對苑城門其南直朱雀門正北面宮城無別門乃知苑城卽宮城在都城內近北明矣臺城南面開四門北面二門東西面各一門宮城內有兩重宮墻周廻五百七十八丈南面開二門北面二門東西面各一門第三重宮墻南面一門東西面各一門又云同泰寺與臺城隔路今法寶寺及圓寂寺卽古同泰寺基故法寶亦名臺城院以此考之法寶圓寂寺之南蓋古臺城也○晉書成帝時蘇峻作亂焚燒官

室溫嶠以下咸議遷都惟王導固爭不許咸和
五年作新宮始繕苑城六年遷于新宮卽此城
也○此城唐末尙存唐史張雄傳云使別將趙
暉據上元暉負其才欲治臺城爲府者是也○
梅摯臺城訪遺址詩云寺僧日扣粧鐘起園客
時翻輦路耕○蔡宗旦金陵賦云登高陽之危
樓想苑城之舊規

東府城

晉安帝義熙十年冬城東府在青溪橋東南
臨淮水周三里九十步去臺四里簡文爲王時舊第

三百五十五

建康志卷二十

七

後爲會稽王道子宅道子錄尙書事以爲治所時人
呼爲東府其子元顯亦錄尙書事時謂道子爲東錄
元顯爲西錄西府車騎填湊東第門下可設雀羅東
第卽今東府城也 舊志

考證

會稽王傳嬖人趙牙爲道子開東第築山

穿池列樹竹木工用鉅萬帝嘗幸其宅謂道子
曰府內有山因得游矚甚善也然修飾太過非
示天下以儉道子謂牙曰上若知山是版築所
作爾死矣牙曰公在牙何敢死其城東北角有

土山曰靈秀卽牙所築也。○宋武帝領揚州日
築東府城以居彭城王義康文帝元嘉中義康
更開拓北墉浚西塹自後常爲宰相府第景和
中嘗改爲未央宮。○明帝時建安王休仁鎮東
府訛言東城出天子帝懼殺休仁而常閉東府
不居桂陽王休範反車騎典籤茅恬開東府納
賊。○齊高帝封齊王以東府爲齊宮。○梁太清
三年侯景舉兵毀板女墻以輓甃爲之紹泰末
盡罹焚毀。○陳天嘉中更徙治今城東三里齊
安寺西臨淮水陳亡廢

西州城

卽古揚州城漢揚州治曲阿晉永嘉中遷于

建康王敦始爲建康勅立州城卽此城也案建康實
錄城所置西則冶城東則運瀆今天慶觀之東西州
橋是也一說石冰之亂焚燒府舍陳敏營孫氏故宮
居之元帝初渡江卽敏府創今城

舊志

考證

晉孝武太元末會稽王道子領揚州居東

府故號此城爲西州大明中以東府爲諸王邸
西州爲丹楊尹治所謝安爲時人所愛重及鎮

新城盡室而行造汎海之裝欲須經畧稍定自江道還東雅志未就遂遇疾篤上䟽請旋旆詔遣還都聞當輿入西州門自以本志不遂深自慨失及薨後安所知羊曇者輟樂彌年行不由西州路嘗因石頭大醉扶路唱樂不覺至州門左右曰此西州門曇悲感不已因慟哭而去○宋時徐羨之住西州高祖嘗思之卽步出西掖門往見焉○寰宇記云西州學者多未曉江寧府有東府城城中有揚州廨而揚州在府西故

時人號爲東府西州東府城之西門謂之西州門世說王丞相治揚廨按行而言曰我爲何次道治此爾充少爲王公所知是以發此嘆今西州也丹楊記曰揚州廨王氏所居諸葛恪則治建業晉自周浚至王仍吳舊王復領州牧及桓溫桓元悉治王府王茂宏以及元謙則在建康永嘉七年顧榮誅陳敏揚州刺史劉機治建康王氏代機元帝渡江居城府王便立州廨於此宋殷景仁旣拜揚州羸疾遂篤上敕西州道上

不得有車聲孝武時熒惑守南斗上乃廢西州
舊館使西陽王子尚移居東府城以厭之揚州
別駕沈懷明日天道示變宜應之以德今雖廢
西州恐無補也上不從西州竟廢

冶城 金陵有古冶城本吳冶鑄之地世說敘錄云丹
楊冶城去宮三里今天慶觀卽其地 舊志

考證 晉元帝大興初以王導疾久方士戴洋云
君本命在申而申地有冶金火相鑠不利遂移
冶城於石頭城東以其地爲西園○晉成帝幸

司徒府游觀西園徐廣謂之冶城園是也○孝
武帝太元十五年於城中立寺以冶城爲名○
安帝元興三年以寺爲苑廣起樓榭飛閣複道
延屬宮城謝安每與王羲之登之悠然遐想有
高世志○金陵故事導疾遷冶於縣東七里六
朝有東西冶每遇警急出二冶囚徒○又有東
冶亭晉太元七年立在縣東八里爲士大夫餞
別之所疑導疾時以古冶遷東西爲二故王荆
公詩云欲望鍾山岑因知冶城路此謂東冶城

也金陵故事又有南冶六所少府一司徒二揚州二鎮軍一○晉史庾公權重足領王公庾公在石頭王公在冶城坐大風揚塵王公以扇拂塵曰元規塵汚人○梁紹泰元年陳霸先使合州刺史徐度立柵於冶城○齊徐嗣徽等攻冶城柵霸先將精甲自西明門出擊之嗣徽大敗

州城

在江乘縣界晉元帝以琅邪王過江國人隨

而居之因城焉在縣東北六十三里今句容縣琅邪

鄉卽其地也

舊志

三百廿一

建康志卷二十

十一

考證

齊武帝永明元年移琅邪於白下置大起

樓觀講武於此南徐州記云江乘南岸蒲洲津有琅邪然則琅邪城與白下相邇今句容縣有琅邪鄉蓋與江乘縣界相接是蒲洲津與白下皆有琅邪城也一在上元縣金陵鄉西北去縣十四里乃白下之城或者直以蒲洲津城爲白下非也○王隱晉書江乘南岸有琅邪城立琅邪內史以治之○齊永明六年於琅邪城講武習水步觀者傾都○王融從武帝琅邪城講武

應詔詩云白日映丹羽頰霞文翠旃凌山炫組
甲帶水被戈船○謝朓有江孝嗣戍琅邪城詩
○南史齊王融傳云世祖欲北伐使毛惠秀畫
漢武圖置琅邪城射堂上每游幸必觀視焉

金城

在城東二十五里吳築今上元縣金陵鄉地名

金城戍卽其地

舊志

考證吳後主寶鼎二年以靈輿法駕迎神於明
陵使丞相陸凱奉三牲祭於近郊後主於金城
門外露宿明陵乃後主父故太子和陵也蔡宗

三百十五

建康志卷二十

十二

旦金陵賦云遊金城以愴然問種柳之何在笑
吳王之信巫乃露宿於門外○晉大興中王氏
舉兵反將軍劉隗軍于金城○初咸康中桓温
出鎮江東之金城後温北伐經金城見爲琅邪
時所種柳皆十圍因嘆曰木猶如此人何以堪
因攀枝執條泣然流涕楊修金城詩亦引此爲
據晉中宗於金城置琅邪郡桓温嘗爲琅邪內
史至咸康七年出鎮金城今上元縣金陵鄉地
名金城戍卽其地

秣陵城在宮城南八里一百步小長干巷內梁宗北

齊皆為秣陵故城跨淮立橋柵當是其地隋併入江寧

建鄴城晉太康三年分秣陵淮水北為建鄴舊城在

吳冶城東詳見縣

蔣州城杜佑通典隋平陳於石城置蔣州寰宇記輔

公祐據江東用為揚州唐趙郡王孝恭平公祐又於

其城置揚州大都督後徙揚州於廣陵此城遂廢

五城有二其一在府城東南二十五里東晉時所築

其一在石頭城唐德宗時所築

考證晉王敦敗王含錢鳳乃率餘黨自柵塘西

置五城造營唐景雲中縣令陸彥恭於城側造

橋渡淮水今五城渡是○唐德宗狩梁州韓滉

觀察江東西乃築石頭五城自京口至土山修

塢壁起建業抵京峴樓雉相望詳見石頭城

檀城本謝元之別墅太傅謝安與元奕碁計勝處至

宋屬檀道濟故名檀城圖經云在縣東八里今按建

康實錄在墅城東八里非去縣八里也地圖謂之城

子墅今清風鄉有城子村在黃城橋之西即其地去

府城四十里

白下城按圖經及寰宇記引輿地志云本江乘之白石壘也齊武帝以其地帶江山移琅邪居之唐武德元年罷金陵縣築城於此因其舊名曰白下正觀七年復舊治此地遂廢

舊志

考證唐地理志云武德三年更江寧曰歸化八年更歸化曰金陵九年更金陵曰白下隸潤州正觀九年復更白下曰江寧前說興廢本末與此不同宜以唐史爲正○又按南史齊武帝欲

三百十四

建康志卷二十

十四

修白下城難於動役劉係宗啟謫役在東者上從之後武帝講武白下履行其城曰係宗爲國家得此一城○圖經云在城西北十四里今靖安鎮北有白下城故基父老傳云卽此地也屬金陵鄉去府城十八里

開化城在縣南九十里環地三里六十步高五尺

東宮城案宮苑記宋元嘉十五年修永吉宮爲東宮

城四周土墻塹兩重在臺城東門外南東西開三門

金陵府城案宮苑記隋大業六年置元風觀南園是

臨沂 **懷德** **同夏** 諸城並見廢縣

湖熟城 湖熟古縣名漢屬丹陽郡宋元嘉中徙越城
流人於此城元和郡縣志云在舊江寧縣東南七十
里今在上元縣丹陽鄉去縣五十里淮水北古城猶
在詳見廢縣

白馬城 在江寧縣北三十里吳時烽火之所 舊志

考證 金陵故事云吳時沿江烽火臺二所一在
石城左一在白馬城今不詳其所

竹里城 在句容縣北六十里東陽鎮東二十五里 舊志

二百八十五
建康志卷二十
十五

考證 齊永元二年崔慧景叛向建康遣驍騎將
軍張佛護直閣將軍徐元稱等六將據竹里為
數城以拒之

竹城 在溧水縣東南七十里環地二里高五尺有廟
未詳

杜城 在溧水縣南一十二里環地四百餘步隋大業
末杜伏威屯軍於此

皇姥城 在溧水縣南一百一十里大山南高五尺有
廟未詳

永世城在溧陽縣南十五里周三百步遺址高一二尺漢元封中置永平縣尋廢吳分溧陽復置其後改曰永安晉武帝太康元年更名永世屬丹陽郡元帝又分永世爲平陵皆屬義興郡宋元嘉九年省永世入溧陽今俗稱故縣內有唐隆寺舊基鄉民猶能言古狴犴之所晉伏滔陸曄皆嘗除永世令

趙城在溧陽縣東五里周二百步

梁城在溧陽縣西五十里周二百步

黨城在溧陽縣東十五里周一百五十步

三百廿九

新亭壘宋孝武入討元凶柳元景至新亭依山築壘東西據險察賊衰竭乃開壘鼓譟以奔之賊眾大潰亭今在城西南十二里壘不存 舊志

考證元徽二年桂陽王休範舉兵潯陽蕭道成頓兵新亭以當其鋒築新亭城壘未畢賊前軍已至道成登西垣使陳顯達等與賊水戰大破之江淹有新亭壘詩

侯景故壘今桐林灣處卽古大航城在其南 舊志

考證梁紹泰元年北齊兵至建康陳霸先問計

於韋載載曰齊人若分兵據三吳之路畧地東境則斯事去矣今可於淮南因侯景故壘築城以通轉輸乃遣載於大航築侯景故壘使杜稜守之

賀若弼壘在上元縣北二十里 舊志

考證隋平陳賀若弼過江於蔣山龍尾築壘

韓擒虎壘在上元縣西四里今在石頭城西 舊志

考證元和郡國志隋平陳樹碑其文薛道衡之

詞武德七年趙郡王孝恭平輔公祏紀功與此

三百六十二 建康志卷二十 十七

碑相對本李伯藥之詞

仁威壘在句容縣 舊志

考證南史洪邁梁承聖初為國子祭酒二年為

仁威將軍城句容以居之命曰仁威壘○又故

老相傳達奚將軍屯兵于此或云棄甲因名甲

城邑舊有祠在武烈廟側土人感夢移廟甲城

內東南

藥園壘晉義熙中盧循反劉裕築此壘以拒之在北

郊之西宋元嘉二十一年七月甘露降樂遊苑輿地

志云上元縣東北八里晉時爲藥圃盧循反築藥園壘卽此處也

今城郭

宮城在府城中已錄首卷

建康府城周二十五里四十四步上闊二丈五尺下闊三丈五尺高二丈五尺內卧羊城闊四丈一尺皆僞吳順義中所築也六朝舊城在北去秦淮五里故淮上皆列浮航緩急則徹航爲備吳淞淮立柵前史所謂柵塘是也至楊溥時徐溫改築稍遷近南夾淮

帶江以盡地利城西隅據石頭岡阜之脊其南接長干山勢又有伏龜樓在城上東南隅自開寶尅復昇州城郭皆因其舊紹興初畧加修固乾道五年留守史正志因城壞復加修築增立女牆景定元年大使馬光祖以開濠之土培厚城身創硬樓四所一百七十八間又於柵寨門創甕城及硬樓七間閃門六扇皆裹以鐵圈門一座址以石武臺二座鐵水窻二扇遶城浚濠四千七百六十五丈有奇以深丈五闊三丈爲率城之外濠之裏皆築羊馬墻其長如濠之數

門闕

古都城門案建康實錄晉成帝咸和五年作新宮始繕苑城修六門注云六門都城門也晉初但有陵陽門後改爲廣陽門內有右尙方世謂尙方門次正中曰宣陽門本吳所開對苑城門世謂之日門晉爲宣陽門門三道上起重樓懸楣上刻木爲龍虎相對皆繡栴藻井南對朱雀門相去五里餘次最東曰開陽門宋元嘉二十五年改開陽曰津陽東面最南曰清明門門三道對今湘宮巷門東出青溪橋巷尙書下

舍在此門內正東曰建春門後改爲建陽門門三道正西曰西明門門三道東對建春門卽宮城大司馬門前橫街也正北面卽宮城無別門又案宮苑記凡十有二門南面最西曰陵陽門後改爲廣陽門正門曰宣陽門次東曰開陽門後改爲津陽門門三道直北對端門最東曰清明門直北對延熹門當二宮中大路東面最南曰東陽門直青溪橋巷卽今湘宮寺門路最北曰建春門陳改爲建陽門西對西明門卽臺城前橫街北面最東曰延熹門南直對清明門當

二宮中大路次西曰廣莫門門三道陳改名北捷門
北直對樂遊苑南門次西曰元武門門三道齊改名
宣平門北直趨元武湖大路最西曰大夏門南直對
廣陽門北對歸善寺門西面最北曰西門門直對建
陽門卽大司馬門前橫街是最南曰閶闔門西直對
東陽門詳考宮苑記陵陽宣陽開陽三門與實錄所
嚮皆同唯清明門在南面最東而實錄乃在東面最
南今以宮苑記北對延熹門證之卽實錄誤矣又實
錄云正東曰建春正西曰西明宮苑記乃在東西面

之最北其最南又有東陽閶闔二門蓋實錄都城止
六門而宮苑記之門乃十有二宋紀獨載元嘉二十
五年新作閶闔廣莫二門其餘延熹元武大夏東陽
四門不見建立之始建康實錄元嘉二十五年四月
新作閶闔廣莫等門改先廣莫曰承明然則此六門
皆同時作史畧之爾然東西二門相對實錄宮苑記
皆云大司馬門前橫街則知東西舊止二門各正所
嚮後又增立二門故以南北別之也又案宋元凶劼
作亂閉守六門於門內鑿塹立柵齊建元中始立六

門都牆梁侯景濟江韋黯屯六門皆止言六門而元
凶劭傳又云同逆先屯閭闔門外臧質從廣莫門入
乃知六門爲正門後又立六門皆便門也故史不載
閭闔廣莫等門作於元嘉二十五年元凶劭之亂乃
三十年云晉咸康元年以王導都督諸軍事禦石季
龍帝觀兵于廣陽門令諸將分戍又宋明帝時聞有
人謂宣陽門爲白門以爲不祥甚諱之右丞江謐誤
犯帝變色曰白汝家門又陳大建十一年幸大壯觀
大閱武步騎十萬陣於真武湖上登真武門觀宴羣

臣因幸樂遊苑再幸此門觀振旅而還

建康宮門

晉成帝咸和七年新宮成名曰建康宮

開五門南面二門東西西北各一門又宋文帝元嘉二
年於臺城東西開萬春千秋二門又陳宣帝大建二
年改作雲龍神武二門案建康實錄注南面二門正
中曰大司馬門世所謂章門拜章者伏於此門待報
南對宣陽門相去二里夾道開御溝植槐柳世或名
爲闕門近東曰閭闔門後改爲南掖門門三道世謂
之天門南直蘭宮西大路西出都城開陽門其北面平

昌門則上有爵絡世謂之冠爵門南對南掖門宋永
初中改宮城北平昌門爲廣莫門至元嘉二十五年
改先廣莫門曰承明門又云南面端門夾門兩大鼓
在兩墩之南並三丈八尺圍用開閉城門日中晡時
及晚並擊以爲節夜又擊之以持更宮苑記南掖門
宋改閶闔門陳改端門東西二門考之實錄已不可
見者唯南面二門與北面一門而已又案宮苑記晉
成帝修新宮南面開四門最西曰西掖門門三道上
重冲正中曰大司馬門門三道起三重樓直對宣陽

門次東曰南掖門宋改閶闔門陳改端門南直對津
陽門北對應門最東曰東掖門門三道南直對蘭臺
路東面正中曰東華門門三道晉本名東掖門宋改
萬春門梁改東華門北面最東曰承明門門三重本
晉平昌門南直對東掖門最西曰大通門上重西面
正中曰西華門晉本名西掖門宋改千秋門梁改西
華門凡八門此建康實錄所載多五門梁天監十年
初作宮城門三重樓及開二道又案宮苑記建康宮
城內有兩重宮牆南面開二門西曰衙門隱不見廟

西掖門東曰應門晉改名止車門南直對端門卽晉南掖門也東面正中曰雲龍門北面正中曰鳳粧門近西曰鸞掖門西面正中曰神武門凡六門第三重宮牆東直對牆南面正門曰太陽晉本名端門宋改爲南中華門東面正中曰萬春門直東對雲龍門西對千秋門西南正中曰千秋門西對神武門東對萬春門凡三門建康實錄皆不載以宮殿證之雲龍門是二重宮牆東面門對第三重宮牆萬春門神武門是第二重宮牆西面門對第三重宮牆千秋門東面

相望案圖可考足以想見臺城門闕之盛然晉成帝時已有雲龍門蘇峻作亂羊曼爲前將軍率文武守此門是也

古朱雀門案宮苑記吳立初名大航門南臨淮水北直宣陽門去臺城可七里又按地圖去宣陽門六里名爲御道夾開御溝植柳南渡淮出國門去園門五里晉成帝咸康二年更作朱雀門對朱雀浮航南渡淮水宋大明五年立馳道自閭闔門至于朱雀門六年又新作大航門至孝武太元三年又起朱雀門重

樓皆繡栢藻井門開三道上重曰朱雀觀觀下門上有兩銅雀懸楣上刻木爲龍虎對立左右宋大明五年改爲右臯門梁大同三年復改爲朱雀門以金陵圖考之當在今鎮淮橋北左南廂

東宮門案宮苑記南面正中曰承華門直南出路東有太傅府次東左詹事府又次東左率府路西有少傅府次西右詹事府又次西右率府東面正中曰安陽門東直對東陽門西對溫德門西面正中曰則天門西直對臺城東華門東率更寺西家令寺次西太僕寺更西有典客省

籬門案宮苑記舊京邑南北兩岸籬門五十六所蓋京邑之郊門也江左初立並用籬爲之故曰籬門又云東籬門本名肇建籬門在古肇建市東西籬門在石頭城東南籬門在國門之西北籬門在覆舟山東元武湖東南角有亭名籬門又有三橋籬門在光宅寺側白楊籬門石井籬門在護軍府西籬門外路北齊東昏時陳顯達舉兵官軍敗之於西州斬於籬門側又崔慧景與江夏王寶元舉兵東昏遣將軍左

興盛率臺內三萬人拒慧景於北籬門始安王遙光據東府反復使左興盛屯東籬門梁高祖建議命陳伯之進據籬門天監八年新作緣淮塘南岸起後渚籬門達于三橋

古宣陽門洛京舊名都城正中門也南直朱雀門相去五里門三道上起重樓懸楣上刻木爲龍虎相對皆繡栴藻井南史宋明帝時有人謂宣陽門爲白門以爲不祥甚諱之通典孝武時侍中何偃南郊陪乘鸞輅過白門偃將匍帝反手接之曰朕反陪卿也

三百四十

建康志卷二十

二十五

今宮城門疑是其處

古大司馬門在宣陽門內三國典畧侯景攻臺城燒入司馬門後閣舍人高善寶以私金千兩賞其戰士直閣將軍宗思領將士數人踰城出外灑水久之火滅景又遣持長柯斧入門下斧門將開羊侃鑿扇爲孔以槩刺倒二人斫者乃退

古建春門臺城正東面門後改爲建陽門又謝希逸宋孝武宣貴妃誅曰經建春而右轉循閭闔以逕度

古東掖門晉成帝修宮城南面開四門最東曰東掖

門門三道南直蘭臺最西曰西掖門其地在今宮城東北

宮南掖門 宮城南面近東門案實錄南面次東曰闔闔門後改爲南掖門世謂之天門南直蘭臺宮西大路升平五年南掖門馬足陷地得銅鐘一有二四字注南掖門是建康宮南面東門陳朝改名端門南出都城開陽門卽宣陽東門也南掖門疑卽東掖門陽公則自越石移屯領軍府壘北樓與南掖門相對

宮雲龍門

第二重宮牆東面門對第三重宮牆萬春

二百四十五

建康志卷二十

二十六

門宋劉湛初入朝委任其事善論政道并前代故事聽者忘疲每旦入雲龍門御者便解駕左右羽儀分散不夕不出侍中司徒尙書令謝朓足疾不堪拜謁乃角巾自輿詣雲龍門

宮神虎門

一曰**神武門**

第二重宮牆西面門對第三

重宮牆千秋門宋書傅亮永初四年爲中書令直中書省專典詔命以亮任總國權聽於省見客神虎門外每旦車常數百兩齊陶宏景爲高帝諸王侍讀奉朝請旣而脫朝服掛神武門 上表辭祿詔許之

西明門 臺城正西面門也實錄云宋徐羨之住西州高祖嘗思羨之便步出西掖門羽儀絡繹追之已出西明門矣

平昌門 宮城北面近東門南對南掖門其地在今城東宋劉延孫為尚書左僕射疾病不任拜起上使乘舟自青溪至平昌門入尚書下舍

廣莫門 洛京舊名都城北面次西門也北直樂游苑南門其地在今城東北
宋元嘉二十五年夏四月新作闔闔廣莫二門南史王曇首傳元嘉四年車駕出北堂使三更竟開廣莫門南臺云應須白獸幡銀字棨不肯闔尚

書左丞羊元保奏免御史中丞傅隆以下王曇首曰既無異敕又闔幡棨惟稱上旨不異單刺元嘉元年雖有再開門例此乃前事之違今之守舊未為非禮其不請白獸幡銀字棨致開門不時由尚書相承之失未合糾正上特無問更立科條

國門 梁天監七年作國門于越城南在今高座寺東南潤橋北越城東偏

南史 梁侯景犯建康令羊侃率千騎頓望國門其地在越城東南

古光德闔 古跡編云在東門外趨蔣山路東北曲折處舊傳如此未詳創建之因

石闕

南朝宮苑記曰晉元帝於宮前立闕眾議未定

王導指牛頭山為天闕不別立闕宋孝武大明七年

於博望梁山立雙闕梁置石闕在端門外陸倕為銘

銘曰象闕之制其來已遠或以聽窮省免或以
布治縣法或表正王居或光崇帝里晉氏浸弱
宋歷威夷乃假雙闕於牛頭託遠圖於博望有
欺耳目無補憲章注此石闕在端門外夾道而
置之其上隱起
奇獸異禽之狀

白下亭

見白下亭

秦淮柵

即柵塘也案實錄注吳時夾淮立柵又梁天

監中作兩重柵皆施行馬至南唐時置柵如舊

三百九十八

建康志卷二十

二十八

青溪柵

在城東蘇峻之亂因風縱火進燒此柵官軍

再敗卞壺父子死之隋平陳斬張麗華孔貴妃於此

柵下

今府城八門

由尊賢坊東出曰東門由鎮淮橋南出

曰南門由武衛橋西出曰西門由清化市而北曰北

門由武定橋沂秦淮而東曰上水門由飲虹橋沿秦

淮而西出折柳亭前曰下水門由斗門橋西出曰龍

光門由崇道橋西出曰柵寨門

柵寨乾道元年正月十四日敷文閣待制

知建康府張孝祥言秦淮之水流入府城別無
兩派正河自鎮淮新橋直注大江其一為青溪

自天津橋出柵寨門亦入于江緣柵寨門地近
爲有力者所得遂築斷青溪水口狃爲花園以
爲遊人宴賞之地因循至今每水源暴至則泛
濫浸蕩城內居民尤所被害若訪古而求使青
溪直通大江則建康永無水患矣詔汪澈指定
以聞其後澈言欲於西園依異時河道開浚使
水通柵門入江從之時孝祥已罷澈帥建康○
柵寨門歲久弗葺景定元年馬公光祖創硬樓
七間每間闊六丈入深一丈三尺通闊四十二
丈其下前壁閃門子六扇兩屋山武臺各一座
屋下車軸車頰一座絞棒一尺二條車窻麻索
四條圈門一座高一丈五尺橫闊一丈四尺入
深三丈三尺前後城面包砌四丈二尺其下石
腳石面并鐵水窻二扇前後擲石欄草椿木兩
邊鴈翅各高六尺五寸長三丈南北兩慢道各
長五丈五尺前近濠岸木柵一路護險墻一路
長四丈五尺堯幫前後
舊城身長一十五丈

制使姚公希得任內重修諸城門稅亭備屋廊宇等

自景定三年三月十一日興工至九月十六日
畢逐處修整費錢二萬三千一百餘緡米五十
七石六斗有奇